

## TALKING CIRCLE 1/2020

# A STAR IS BORN: A WORKSHOP ON CHORAL SPEAKING AND ENGLISH DRAMA

NUR HAKIMAH BINTI MD SALLEHUDDIN  
NUR AMIRAH NABIHAH BINTI ZAINAL ABIDIN

Pada 28 Februari yang lalu, satu program Talking Circle telah dianjurkan oleh pihak Akademi Pengajian Bahasa (APB) UiTM Cawangan Negeri Sembilan Kampus Seremban. Program ini telah diadakan untuk mendedahkan pelajar-pelajar UiTM khususnya di Kampus Seremban untuk mempelajari Bahasa Inggeris melalui kaedah santai di samping meningkatkan keyakinan diri para pelajar untuk melibatkan diri di dalam aktiviti Bahasa Inggeris.

Selain itu, objektif program ini juga adalah untuk meningkatkan keyakinan diri para pelajar untuk bertutur menggunakan Bahasa Inggeris seterusnya membuang persepsi di mana Bahasa Inggeris adalah sukar untuk dikuasai. Pada waktu yang sama, ianya juga bertujuan bagi memupuk semangat kerja berkumpulan dalam kalangan pelajar.



Program ini telah disertai oleh seramai 40 orang pelajar dari UiTM Kampus Seremban, wakil-wakil guru dari sekolah-sekolah menengah yang berdekatan dan juga pensyarah-pensyarah di UiTMCNS Kampus Seremban. Turut menghadiri program ini adalah Mr. Sivagurunathan Rasiah dan Mr. Ganeish Balakrishnan selaku penceramah bagi program Talking Circle 1/2020 'A STAR IS BORN: A WORKSHOP ON CHORAL SPEAKING AND ENGLISH DRAMA'.



Program ini adalah berbentuk sebuah sesi perkongsian dan latihan hands on di mana pelajar-pelajar telah diberi pendedahan dan dilatih on the spot di hadapan semua rakan-rakan, wakil guru dan pensyarah-pensyarah tentang bagaimana Choral Speaking sebenar diadakan. Perkongsian video rakaman pertandingan English Drama yang telah lalu juga telah memberi pendedahan seterusnya membuka mata para pelajar, guru-guru dan juga pensyarah-pensyarah mengenai kaedah dan cara sebenar bagaimana dilaksanakan.

Penglibatan Pelajar UiTMCNS Kampus Seremban di dalam program seperti ini dilihat dapat menerapkan nilai murni dengan cara membantu penguasaan Bahasa Inggeris kepada pelajar-pelajar sekolah di sekitar Seremban melalui program khidmat masyarakat yang akan dijalankan. Di samping itu, program ini juga turut menjadi sebuah platform yang baik bagi para pelajar UiTMCNS untuk meningkatkan kemahiran dan potensi di dalam diri seterusnya menjadi nilai tambah sebagai persediaan mereka untuk terjun ke dalam bidang profesion yang sebenar pada masa akan datang.

